

JAVNI POZIV ZA UČEŠĆE U NAGRADNOM KONKURSU „KREIRAJ FESTIVALSKU ŠOLJICU“

ATLANTIC GRAND d.o.o. Bijeljina upućuje javni poziv za učešće u nagradnom konkursu „KREIRAJ FESTIVALSKU ŠOLJICU“ s ciljem da se inspiriše kreiranje i konzumacija kulture u regiji.

Ako ste mladi, inspirativni i kreativni postavite vaš umjetnički rad i osvojite vrijedne nagrade. Pravo učešća u nagradnom konkursu imaju sva punoljetna fizička lica iz BiH i regiona (Hrvatska, Slovenija, Srbija, Crna Gora, Sjeverna Makedonija) koja na web stranici www.konkurs.grandkafa.ba uploadaju i kreiraju svoje umjetničke radove (digitalna grafika) za sudjelovanje u konkursu u periodu od 12. 7. 2023. do 31. 7. 2023. **inspirisanim temom HAJDE DA IMAMO VREMENA ZA KAFU I FILM.**

Rješenja se rade na pravougaoniku dimenzija 178x69mm. Radove je potrebno priložiti u .JPG ili .PNG formatu. Ukoliko vaš rad uđe u finale, potrebno je dostaviti ga i u vektorskom formatu .AI ili .EPS ili .PDF. Ako se radi bitmap ilustracija, u tom slučaju fajl poslati u lejerima u .PSD formatu. Ne koristiti više od 7 boja za ilustraciju zbog tehničkih ograničenja u štampi. Radovi mogu biti čista ilustracija ili kombinacija tipografije i ilustracije.

Pored načina kreiranja iz prethodnog pasusa, moguće je kreirati rješenje i direktno na našoj web stranici. Ukoliko rješenja kreirate direktno na našoj web stranici www.konkurs.grandkafa.ba rad će biti proizvod vaše kreativnosti uz pomoć softvera na samoj web stranici. Prostor za rad je kvadratnog oblika dimenzija 1024x1024px i automatski čuva rad u rezoluciji 1024x1024px u .PNG formatu. Prvi korak u kreiranju rješenja na našoj web stranici je davanje uputstva kakvu ilustraciju želite da vam softver kreira. Uputstvo dajete odabirom različitih pojmova. Zarad kreiranja što boljeg rješenja, najbolje je odabrati minimalno 2, a maksimalno 5 pojmova. U drugom koraku ćete dobiti prikaz ilustracije i mogućnost da izaberete da li želite da prijavite rad ili da dodate tekst na ilustraciju. Finalno, slijedi opciono dodavanje teksta koji možete smisliti sami ili uz pomoć softvera. Radovi mogu biti čista ilustracija, ili kombinacija tipografije i ilustracije.

Maksimalan broj prijavljenih radova za dizajnere i ilustratore i za vas koji kreirate sa nama na web stranici www.konkurs.grandkafa.ba je tri prijavljena rada.

Da biste prijavili svoj rad, potrebno je da unesete sljedeće informacije:

- Ime i prezime
- Grad
- E-mail
- Telefon

i prihvatite pravila nagradnog konkursa.

U nagradnom konkursu učestvujete na sljedeći način:

- pristupite web stranici www.konkurs.grandkafa.ba i uploadujte ili kreirajte svoj umjetnički rad (digitalna grafika) u periodu od 12. 7. 2023. do 31. 7. 2023.
- prihvatite pravila o kreiranju i uploadanju umjetničkog rada
- ispunite formular za prijavu sa ostalim traženim podacima

U prvom ciklusu stručni žiri, sačinjen od tri osobe, će na osnovu snage umjetničke ekspresije i umjetničkog dojma sprovoditi selekciju i odabir osam dobitnika – finalista, koji su jednaki kao i dodatna dva dobitnika, kao rezervne dobitnike u slučaju da neki od osam dobitnika ne budu u potpunosti i na ispravan način pristupili učešću u nagradnom konkursu. Odabir dobitnika će se održati 3. 8. 2023. i objaviti na web stranici www.konkurs.grandkafa.ba. Svaki od odabranih finalista osvaja poklon karticu u vrijednosti od 400,00 KM.

Odabrani radovi imat će mogućnost da budu aplicirani na neke od promotivnih materijala branda Grand kafa (oficijelne Šoljice SFF 2024, Grand kafa limited edition setovi, kao i na drugim materijalima).

Osim toga svih osam nagrađenih umjetničkih (digitalna grafika) radova bit će izloženo na SFF-u u printanom izdanju sa istaknutim QR kodom, kao i na web stranici www.konkurs.grandkafa.ba. Javnost, publika odnosno svi zainteresovani će putem koda istaknutog na umjetničkim radovima, kako na festivalu, tako i na web stranici, moći da glasaju, prema svojim vlastitim kriterijima. Na osnovu ukupno dobijenog broja glasova učesnici će osvojiti prvo, drugo ili treće mjesto. Sumiranje glasova za prva tri mjesta proglasit će se 18. 8. 2023. na zatvaranju SFF-a, a konačni rezultati nagradnog konkursa će biti objavljeni na web stranici www.konkurs.grandkafa.ba.

Prvo izabrano umjetničko djelo osvojit će 1000,00 KM, drugo 800,00 KM, a treće 600 KM, na poklon karticama.

ATLANTIC GRUPA i ATLANTIC GRAND d.o.o. Bijeljina ističu da su grafička rješenja i fotografije, kao i tekstualna rješenja koje softver generiše kreirana na osnovu instrukcija korisnika i da organizator nagradnog konkursa nema uticaj na krajnji rezultat. Sva potencijalna rješenja koje izgeneriše softver, a koja su za bilo kog korisnika neprikladna, najbolje je i ne prijavljivati na nagradni konkurs. Svi radovi prijavljeni na konkurs ne smiju reflektovati i upućivati uvrede i govor mržnje, rasnu, spolnu, vjersku i svaki drugi oblik diskriminacije i moraju odgovarati na temu konkursa. Stručna komisija zadržava pravo da diskvalifikuje takve radove bez objašnjenja.

Autor umjetničkog djela u toku učešća u nagradnom konkursu ustupa svoja materijalna autorska prava ATLANTIC GRUPI i ATLANTIC GRANDU d.o.o. Bijeljina i brendovima grupacije, od momenta uploada ili kreiranja istog na stranici, bez prostornog i vremenskog ograničenja, u svrhu promocije vlastitih proizvoda, na svim potencijalnim materijalima, bez naknade. Autor je dužan dati pismenu suglasnost za prijenos prava.

ATLANTIC GRUPA i ATLANTIC GRAND d.o.o. Bijeljina zajedno sa brendovima unutar grupacije je upoznata sa činjenicom da je učesnik nagradnog konkursa autor djela isključivi nosilac moralnih i imovinskih autorskih prava nad navedenim autorskim djelom (materijalom), te da je zakonska obveza ATLANTIC GRUPE i ATLANTIC GRANDA d.o.o. Bijeljina i brendova grupacije da prilikom objave predmetnog autorskog djela (materijala) naznače autora kao nosioca moralnih autorskih prava.

Učesnik nagradnog konkursa je saglasan da predmetno autorsko djelo (materijal) može bez naknade biti korišteno za izradu promotivnog materijala ATLANTIC GRUPE i ATLANTIC GRANDA d.o.o. Bijeljina i njenih brendova te za objavu na distributivnim kanalima svih brendova unutar ATLANTIC GRUPE i ATLANTIC GRANDA d.o.o. Bijeljina u izvornom obliku ili obradi, u cijelosti ili djelimično, a što uključuje i objavu na korisničkim stranicama društvenih mreža te internetskih stranica kojima upravlja ATLANTIC GRUPA i ATLANTIC GRAND d.o.o. Bijeljina.

Javni poziv za *upload* radova ostaje otvoren od 12. 7. 2023. do 31. 7. 2023. godine. Zato što već godinama inspirišemo kulturu kroz razne aktivnosti, i zato što kultura i kreativnost inspirišu naše brendove, riješili smo da u saradnji sa Sarajevo Film Festivalom organizujemo nesvakidašnji konkurs koji će Grand Kafi udahnuti svježinu nesputane kreativnosti.

Istovremeno mladim talentovanim umjetnicima pružamo pozornicu snova! Zato pozivamo sve umjetnike da osmisle i stvore Festivalsku Grand Kafa šoljicu inspirisanu temom HAJDE DA IMAMO VREMENA ZA KAFU I FILM. Zamisli da je šoljica filmsko platno na kome treba da oslikaš jedan upečatljiv kadar koji će predstavljati tvoju viziju uživanja uz omiljenu kafu i dobar film. Pusti mašti na volju i pokaži kreativnost. Neka te šoljica omiljene Grand kafe inspiriše da kroz vizuelnu umjetnost ispričaš svoju filmsku priču.

Očekujemo vaše umjetničke priče!!!